



ԱԿԱԴԵՄԻԿՈՍ ՎԻԿՏՈՐ ՀԱՄԲԱՐՁՈՒՄՅԱՆԻՆ, ԶՈՐԻ  
ԲԱԼՍԱՆԻՆ, ՍՈՍ ՍԱՐԳՍՅԱՆԻՆ ԵՎ ԼԵՌՆԱՅԻՆ  
ՂԱՐԱԲԱՂԻ ՄՅՈՒՍ ԴԵՊՈՒՏԱՏՆԵՐԻՆ

**Մոսկվա**

Խոր հուզումով տեղեկացանք Ձեր հացադուլի հայտարարության մասին, իբրև հուսահատ բողոք ընդդեմ մինչև երկինք աղաղակող անարդարությունների, ողբերգական կացությունների, որոնց ենթարկված է Լեռնային Ղարաբաղի ողջ հայ ազգաբնակչությունը, մանավանդ վերջին ամիսներին, որոնց միակ մեղքն այն է, որ կամենում են ազատ շնչել:

Մենք հայրական վշտի և բողոքի Մեր ձայնն ենք բարձրացնում համայն մեր ժողովրդի հետ միատեղ և ողբում ենք դառը ճակատագիրը ղարաբաղցի մեր հավատացյալ զավակների ու հոգևին խոնարհվում ենք Ձեր հերոսական արարքի առաջ, որ արտահայտում է ողջ հայ ազգի խղճի սրբազան աղաղակը:

Մեր հայրապետական պարտքն ենք համարում այսօր իսկ Սուրբ Էջմիածնից Մեր աղերսը հղելու Խորհրդային Միության Պրեզիդենտին՝ կոչ անելով նրա մարդասիրական և արդարության զգացումներին:

Ձեր այս տառապանքի պահերին լսեցեք ձայնը Հիսուսի. «Երանի որ քաղցեալ և ծարաւի իցեն արդարութեան, զի նոքա յագեցին»:

Ընդունեցեք Մեր սրտակցությունը, Մեր քաջալերանքը, Մեր օրհնությունը:

**ՎԱԶԳԵՆ Ա.**

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ա. Էջմիածին,  
15 սեպտեմբեր 1990 թ.

